

# JUNIOR SECONDARY CERTIFICATE

**RUMANYO FIRST LANGUAGE**

**1107/1**

PAPER 1 Reading and Directed Writing

2 hours

Marks 60

**2018**

Additional Material: Answer Book

## INSTRUCTIONS AND INFORMATION TO CANDIDATES

- Write your answers on the Answer Book provided.
- Write your Candidate Number and Name in the spaces on the Answer Book.
- Write in dark blue or black pen.
- Do not use correction fluid.
  
- Answer **all** questions.
  
- Pay attention to spelling, punctuation and sentence structure.
- The number of marks is given in brackets [ ] at the end of each question or part question.

## MARONDORO NAMAPUKURURO KUMUHAMENI MUMAKONAKONO

- Tjanga malimbururo ghoye muMbapira yaKulimbwilira oyo vana tapa.
- Tjanga Nomora yaMuhameni Mumakonakono naLidina paMbapira yaKulimbwilira.
- Tjanga nashitjangito shashinaliwiru nampiri shashishovagani.
- Wa sha rughanita shidongonito shamema-mema.
  
- Limburura mapuro **naghantjeya**.
  
- Kara nashinka kulishantjo, viyivitaruro nalitungontanto.
- Vitwa vya pwa kare kutura mutuhaki [ ] kuuhura wakehe lipuro ndi ruha rwalipuro.

This document consists of 6 printed pages.



Republic of Namibia

**MINISTRY OF EDUCATION, ARTS AND CULTURE**

## RUHA A

Varura shivarurwa shino makura u limburure mapuro ogho gha ka kwama ko.

### Shivarurwa A

Kutunda mumwedi waMurongona dogoro mpo pano likonakono kwa negheda ndi kwa wana ko maumbangi ghakuhamena maundjoni ghashihoro shakugwanekera panyama shapakatji kavashongi navashongwa vavo mushirongo mudima. Makonakono ghano kwa gha rughana muruku tupu rwamwedi dangandi kutunda pashishorokwa shimwe omo mushongi wamwaka rontatu-nambiri (32) a pondekire vakamalikadona vaviri vantu namuunyendi. Vakadona vano vaviri kwa kalire vamwaka ronantantatu (18) ano mukurwa muntu wamwaka rontatu(30). Vino kwa shorokire mukonda yashihoro shakupira kutika muuta wakora ndi kudjira mo pakatji kamushongi namukadona ghumwe pakatji kavo.

Vashongi shingi shavo ovo va ghayarera mukuhamena muumbondo ghuno va va waneka maundjoni mukutavuruka lidiveta lyamakushongo oloyo lya ghanikido shihoro shapakatji kamushongi namushongwa. Dogoro mpo pano ghumwe tupu ndje va shaghekita virughana. Ghuno ghumwe udito wendi vakukonakona nakughoya kumwe nakughutuma kumberegho yankuruministeri mukumupa kashitiko kughurumwita ndjambi yendi ano makonakono shimpe kuna kuyenda kuuto namaundjoni ghamwe ghakuhupa ko. Paghano maumbondo rombiri (20), mumukunda waKunene, //Karas, Erongo, Oshana, Omusati, Otjozondjupa, Oshikoto naOmaheke kehe mukunda likonakono kwa waneka umbondo ghumwe-ghumwe. Mukunda Kavango waUpumeyuva naOhangwena maumbondo matatu kehe mukunda ano maumbondo maviri-maviri mu Hardap, Zambezi naKhomas. Mukunda Kavango waUtokero naumbondo shi nampiri shumwe wakughana wangoro va nongonona mumakonakono.

Dimuragho dakara po kare dina kunangwiro vashongi kuhamena shihoro ndi ligwanekero panyama navashongwa. Dimuragho ndi lidiveta kuna kutanta ashi: “Mushongi perere pendi ndi titityo kukara nashihoro namushongwa shakugwanekera panyama ndi kurenkerera mo mushongwa ashi va gwanekere panyama”. Vya kena kare ashi kehe mushongi wakukara panyama namushongwa kuna vatuka lidiveta lyamakushongo, kurughanita nkondo mulipuko nakudjonaura lihuguvaru lyankarapamwe muvashongi varudi oro rambanga ko nakuvancenuna. Mushongi kwa kara nashitumbukira shashinene kuuto wavashongwa omo a kara ashi sha ndi nyokwa. Maumbangi kuna kunegheda ashi mwaka ntatu dina ka pito shihoro shino tuna kukodoka shaligwanekero panyama pakatji kavashongi navashongwa vakuntji yamwaka kwa yeruka, ano shivaro shakutika kurombiri nantambiri (27) mumwaka wa 2014 ntani shivaro shakutika rontatu nantane (39) mumwaka wa 2015. Saitunga yaConfidente kwa yuvhitire mwakapita ashi vakuronashure rombiri nane navanuke vavo (HOD) rambanga ko navashongi kuvapakerera navantje rombiri-nane (24) kwa va tjidire muvirughana mukonda yakutapa mara ndi kutumbapeka ndi kukara nashihoro navashongwakadona vyakundamine va rupwitire maumbondo ghano na omo vashongi vamwe va va kwatire omo va tapanga vighondera mumarupe ghakukushuva-shuva kuvashongwakadona. Kehe shihoro shina piro kuhamena kuvirughana vyamakushongo vi kare ashi mushongwa a ka wane lira ndi kapishi mo, vino kwa vatykanga po lidiveta kuhamena kuvirughana vyavashongi. Kupira kulimburukwa kulidiveta mushongi kumu-kwama-kwama nakumupa mahumbito ghana wapero. Pakuvareka kuyuvhaika mbudi daweyo makonakono kwatamekeranga kushure, pamberegho yamakushongo yapantambomukunda omo va vi rughananga vantu navo peke vakukukarera ovo vana vi huguvarere.

Kutwara mwaJohanna Absalom mugwanikiliti-pamberegho pantambo yaministeri yamakushongo, ntjeneshi mushongi vana mu waneke undjoni kumushaghekita virughana nakumupa mwaka ntantatu (8) mukukakuteda nakukawapukurura. Mukukavyukira mo muvirughana mushongi ogho ana hepa kutapa maukenu ashi uye kwa mu shaghekitire mukonda yakuvatuka lidiveta lyavashongi. Ntjeneshi mbudi yino ayi kare mulihoramo kapi ana kuyiyuvhita kumberegho munyima yashirugho ngayi ye paukenu, mushongi waweyo ka mu tjida muvirughana. Kumeho yakuvyukira mo muvirughana mushongi ana kona kupitira mumaruha matatu: kuvampititi vankirishe, kansela namberegho yamakushongo yapantambomukunda naumbangi wamutapi virughana oko a rughanine.

### Sirughana 1

Limbururo mapuro ogho **1 – 6** nakutjanga nomora ntani nandanda yalilimbururo lyauhunga. Shihonena: **1 D**.

- 1 Kutunda mumwedi waMurongona likonakono kwa wana ko maumbangi ghashihoro
  - A rombiri.
  - B ronantantatu.
  - C rontatu.
  - D rontatu nambiri. [1]
  
- 2 Kupondeka kutanta ashi
  - A kudipagha.
  - B kukuponda.
  - C kushaghekita virughana.
  - D kutapa kashitiko. [1]
  
- 3 Mukunda va waneka maumbondo matatu tupu ghashihoro shavashongi navashongwa.
  - A //Karas
  - B Kavango waUpumeyuva
  - C Kavango waUtokeyuva
  - D Khomas [1]
  
- 4 Perere poye ndi titiyi kutanta ashi
  - A kutwikira kukonakona.
  - B mo vyahungama kuvirughana.
  - C na kadidi shi kuvirughana.
  - D viwa unene kuvirughana. [1]
  
- 5 Vakamalikadona a pondekire mushongi ghuno
  - A vantu nafupakadi yendi.
  - B vantu namukurwendi.
  - C vantu narukwaredi rwendi.
  - D vantu nashiro shendi. [1]

6 Mumwaka wa 2014 shivaro kwa yerukire nakutika

- A rombiri.
- B rombiri nane.
- C rombiri nantambiri.
- D rontatu nantane.

[1]

[6]

### Sirughana 2

7 Limburura **ushiri** ndi **kapishi** ushiri.

- (a) Dimukunda ntane ndo dawanino umbangi wamakonakono ghumwe-ghumwe kuhamena kushihoro shavashongi navashongwa. [1]
- (b) Kavango waUtokeyuva ngo tupu mukunda va pilire kuwana umbondo washihoro shavashongi navashongwa. [1]
- (c) Saitunga yaConfidente ndjo yayuvhitiro shivaro shakutika rombiri nane shavakuronashure, va HOD navashongi. [1]
- (d) Mushongi ntjeneshi vana muwana undjoni kumughupira po rwakuhova ntjeneshi ana gwanekere panyama namushongwa. [1]
- (e) Lidiveta kuna kutanta ashi mushongi perere pendi kugwanekera panyama navashongwa. [1]
- (f) Mfa davakamalikadona kwa yire po mukonda ashi shihoro shimwe kapi sha tikire muuta wakora. [1]

[6]

### Shirughana 3

- 8 (a) Twenya ko dimukunda **ntatu** omo va wanine maumbondo maviri ghashihoro shapanyama shavashongi navashongwa. [3]
- (b) Udoni munke wakaro po kuhamena kuvashongi vakugwanekera ndi kukara navashongwa panyama? Tapa ko malimbururo **matatu**. [3]
- (c) Maruha munke gha rughanango makonakono ntjeneshi mbudi yashihoro shavashongwa navashongi yina karo po? Tjanga ko malimbururo **maviri**. [2]

[8]

[20]

## LIPONGONYONO B

Varura shivarurwa shino makura u limburure mapuro ogho ghana ka kwamo ko.

### Shivarurwa B

#### Ntjitwe

Ntjitwe shininke shimwe sha karo namulyo waunene muliparu lyavarwana. Mukughamba vyakuhamena kuntjitwe atwe kehe pano kwa demenenanga kuvinamwenyo yira: vikorama, vikashama, vidira navimenwa vyakuvhura kuwana muwiya namuliyana. Mushirongo shetu shaNamibia ntjitwe kuna kara mushiponga shakufa nakurambuka mukonda yampepo namaukaro ghavantu kwakushuva-shuva. Lidjonauro lyantjitwe kwa tundiliranga kwamurwana ano mushirongo shetu udito ghuno kuna kuyeruka shankondo-nkondo.

Kutwara mumaumbangi vawana ko kuMinisteri yaNtjitwe naUdinguli, shivaro shavimpanda mafere maviri namurongo (210) kwavi pondoka kutundilira mumwaka wa 2014 dogoro mwaka wa 2016. Ntani shivaro shavandjovhu shakutika kumafere vaviri narombiri nantantatu (228) kwa va dipagha vashani mumwaka ndodo. Ukaro ghuno nakuyita shi mpora mushirongo nakuyita mapuro ghamayingi. Kuna kutapa mashungido ashi varwana vana hepa kuvangara nakukara nalirughanenokumwe mukuyiva nakunongonona ovo vana kurughano vyaweyo. Vantu tuna kona kukara nalirwameno nalitokomeno lyakupopera ntjitwe yetu kulidjonauro ndi va yi hepeke hana shi paveta.

Meho yavana navatekuru vetu muvikiwaparu navimaliva kwa yimana muntjitwe oyo yina karo mushiponga. Likuliko lyashirongo naushwi washirongo kutundilira kulimona lino lyantjitwe. Lipopero lyantjitwe yetu kwa kara mumavoko ghetu omo tu vhura kutikita mo lidiveta lyashirongo. Mulyo wantjitwe kwa kara mo liyitito po virughana mushirongo, kukoka vadinguli, kuyitita po mfumwa yashirongo, kufughulita shirongo, kuyitita po viyeramo vyakutundilira pandje yashirongo, ano vimenwa vimwe nko twa wananga dimutondo. Vana navatekuru vetu ngava ka vi kukengere namantjo ghavo kapishi ngavi kare vyampuramatwi. Vimenwa mbyo nka vimwe vya tu pango mpepoparu oyo twa sheteranga.

Marunone ghambudi lyakyo lyatoka atwe kutegherera nakuvarura mukuwana mapukururo ghakuhamena varwana vana kudjonauro mukumyonita nakuvaka ntjitwe. Lipangero lyakambandara kukuta vakungintjitwe ano weno rambanga ko vapolisha navakatako vana kupakerere navakungintjitwe mukambadara kupopera ushwi uno vana kumana vakorokotji va hana shi paveta. Varwana vamwe kuna kuva kwata nakuva tura mumango, ene ngoli vino kapi vina kutika muuta wakora yira kuna kutura maholi pamundiro. Mashongero kuna kutapa, ene ngoli tindwa, mutompo kudere. Lipangereo lyetu lina hepa kunkondopeka veta kumwe nakudi tura mushirughana.

Mpire ntjo shininke shimwe shakamanakandongo sha ndjonauro nakumyonita ntjitwe pakurokota mundiro. Varwana kushoraura mpire navitambo vykukushuva-shuva. Udoni wampire unene kupitakana mauwa ogho va wananga mo vakudumika mundiro. Mpire kuvhura kuntjindja shirongo ndi livango li kare mburundu, kudjonauro mpepoparu twa shetelitanga, kuyitita po upyu ndi lipyupyuu, kusheshupita mvhura kupire murokwa djuni, kuvhukita mpepodiroparu mumpepo, nyango naushuka kusheshupa nakuyita lirumbu mudimukunda rambanga ko namushirongo mudima.

Vakonakoni kwa vi nongonona ashi shingi shavarwana vana kuhamenango mukudipagha vimpanda navandjovhu kuna kushananga kungavopa pankwangu ndi po muntiku yimwe. Mukutwara mumarunone ghambundi vamvharerwa yashirongo shaChina mbo vana kuturo unene mungeshefa dino dakudipagha vimpanda navandjovhu mukughura nakughulita mbinga namayegho ghavikorama vino. Ntani rambanga ko nashingi shavankwati kuna kara vamvharerwa yaChina. Mwedi tupu dangandi dina pito po kutunda opo va kwatire ko Muchina ghumwe namurongerero wendi wambinga kukapare kaOliver Tambo mushirongo shaAfrika ya Ucuma. Murwana ghuno kwa ya shimbire ushwi ghuno mushirongo shetu shaNamibia. Udito naudona shuna karo po kuna kara ashi vantu ovo vana huguvarere mukutakamita nakutura veta mushirughana mbo nka kamwe vana kukuhamitiro muukorokotji ghuno namungeshefa dino da hana paveta damuumbembe.

### Sirugana 1

- 9 (a) Kutwara mushivarurwa shino, tjanga ko ntundiliro yalikombano lyantjitwe oyo una varura. Tjanga ko **vitatu**. [4]
- (b) Tjanga ko malimbururo **matatu** kuhamena kumulyo wantjitwe. [4]
- (c) Vinke vyakuvhura kukambadara kurughana ko mukusheshupita lidjonauro lyantjitwe? Tapa ko malimbururo **matatu**. [4]
- (d) Maudona munke **matatu** u vhura kutapa gha tundilirango kumpire? [4]
- (e) Udoni munke ogho sha kundamanga shirongo osho sha karo ushwi wantjitwe, kukwama shivarurwa shino? Tjanga ko **vitatu**. [4]
- [20]

### Sirughana 2

- 10 Lidjonaurontjitwe kuna kuyeruka mushirongo shaNamibia. Ove ghumwe wambunga yamukundatowerero wenu ghuna karo nashinka shantjitwe. Tjanga ngoli shighamba shoye omo u vhura kutantera vankarapamwe kuhamena kumulyo wantjitwe ntani naweni mwakuvhura kukambandara kupopera ntjitwe.

Tjanga mwara nkango **150 – 200**.

[20]